

ius beati Petri, & Sanctæ Romanæ Ecclesiæ spectat, per nos ipsos visitavimus; & eodem die, quo, revolutis multorum annorum spaciis, prædecessor noster felicis memoriæ Papa Urbanus ibidem majus altare consecraverat, cum Archiepiscopis & Episcopis, qui nobiscum convenerant, cooperante Spiritus Sancti gratia, idem Monasterium solemniter dedicavimus. Devotioni quoque & humilitati fidelium, qui pro amore Dei, & ipsius Loci reverentia in Anniversario dedicationis illuc convenerint, prospicientes, ipsis quadraginta dies poenitentiae sibi injuncte, de gratia Dei confisi, B. Apostolorum Petri & Pauli auctoritate remisimus. Statuimus etiam, ut immunitas ejusdem Coenobii inviolata & integra futuris temporibus conservetur, ut si quis infra terminos banni, qui ab eodem prædecessore nostro circa Cluniacum constituti sunt, scienter hominem capere, vulnerare, vel res ejus auferre præsumpserit, excommunicationis sententiâ percellatur, quousque ablata restituat: & Abbatii ac Monachis pro illata injuria congruè satisfaciatur. Ad hæc adjicientes decrevimus, ut quicumque Cluniacenses Monachos, vel eorum socios caperint, aut ea, quæ portaverint vel conduxerint, excommunicationi subjaceant. Si verò aliqui absque ipsorum Monachorum præsentia ea, quæ ad victum vel vestitum fratrum, in Cluniacensi Coenobio Domino servientium, pertinent, alicubi deprædati fuerint, nisi infra quadraginta dies commoniti ablata restituerint, eos anathemati subjacere præcipimus, & in terra eorum prohibemus officia celebrari: loca quoque, in quibus se receperint, donec præsentem fuerint, a divinis obsequiis, præter infantium baptismum, & morientium poenitentias, cessare præcipimus; & nullus eorumdem præsumptorum, præter timorem mortis, nisi a Romano Pontifice absolvatur. Porro quisquis præfatis fratribus, ubicumque manentibus, quælibet alia, præter ea quæ superius enumeravimus, abstulerit, nisi infra quadraginta dies post nostram commonitionem ablata restituerit, excommunicationi subjaceat, nec absolvatur, donec capitale reddat, & congruè satisfaciatur. Quod si hæc perpetrata esse noveritis, aut clamor super hoc ad aures vestras pervenerit, vobis præcipientes mandamus, quatenus præfatum animadversionis sententiam per vestras faciatis parochias firmiter observari.

Datum Valentie VIII. Idus Martii.

Datum die 8. Martii.

LXXVIII.

Item confirmatio donationis Loci, cui nomen de Prins, cum suis pertinentiis.

Loc. cit.

Innocentius Episcopus, Servus Servorum Dei, dilectis in Christo filiis, Petro Abbati, & Monachis Cluniacensibus, in perpetuum.

EX Apostolicæ Sedis administratione, quæ extraordinaria sunt, volumus corrigere; & quæ ordinata ad meliorem statum deducere; & ut in suæ bonitatis firmitate permaneant, vigore Ecclesiastico roborare. Eapropter, dilecti in Domino filii, donationem a Girino, & fratribus, de Loco, qui di-

citur Prins, cum suis pertinentiis, Remis in Palatio venerabilis fratris nostri Rainaldi Archiepiscopi nobis factam, vobis concedimus donamus & tradimus, ac per præsentem scripti paginam confirmamus. Nulli ergo omnino hominum fas sit, præfatum locum temerè perturbare, aut ejus possessiones auferre, vel ablatas retinere, minuere, vel aliquibus vexationibus fatigare; sed omnia dominio & possessioni Cluniacensis Monasterii perpetuò integra conserventur. Si quis autem huic nostræ constitutioni temerario ausu contraire tentaverit, si reatum suum non correxerit, a sacratissimo Corpore & Sanguine Dei & Domini nostri Jesu Christi aliena fiat, atque in extremo examine districtæ ultionis subjaceat: Conservantibus autem sit pax Domini nostri Jesu Christi, quatenus interventibus beatorum Apostolorum Petri & Pauli meritis æternæ vitæ præmia cum Sanctis omnibus percipere mereantur.

Datum Remis II. Kal. Novembris.

Dat. die 31. Octobris.

LXXIX.

Privilegium Confirmationis Bonorum Monasterii Rotensis Ordinis S. Benedicti, quod sub protectione Sedis Apostolicæ fore, liberumque ab omni laicali jurisdictione, declaratur.

Innocentius Episcopus, Servus Servorum Dei, dilectis filiis Bertrico Abbati Rotensis Monasterii, ejusque fratribus tam præsentibus quam futuris, regularem vitam professis, in perpetuum.

Ex Hundii Metrop. Salsburg. Tom. III.

Exordium.

Religiosis desideriis dignum est facilem præbere consensum, ut fidelis devotio celerem sortiatur effectum. Eapropter, dilecti in Domino filii, vestris justis postulationibus clementer annuimus, & præfatum sanctorum Marini & Aniani Monasterium, in quo divino mancipati estis obsequio, sub B. Petri & nostræ protectione suscipimus, & præsentis scripti privilegio communimus; Statuentes, ut quascumque possessiones, quæcumque bona idem Monasterium impræsentiarum justè & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis justis modis, Deo propitio, poterit adipisci, firma vobis vestrique successoribus & illibata permaneant. Sancimus etiam, ut Ordo monasticus secundum B. Benedicti regulam perpetuis ibi temporibus inviolabiliter conservetur; atque nulli fratrum post factam professionem, proprium quid habere liceat, sed in Abbatis sui obedientia cum omni humilitate permaneant. Laborum quoque vestrorum, quos propriis manibus aut sumptibus colitis, sive de nutrimentis vestrorum animalium, nullus omnino clericus vel laicus decimas a vobis exigere præsumat. Obvolute verò te, nunc ejusdem Loci Abbate, vel tuorum quolibet successorum, nullus ibi quolibet surreptionis astutia vel violentia præponatur; sed liceat vobis communi consilio, vel parti consilii sanioris, secundum Dei timorem, & B. Benedicti regulam, absque ullius contradictione Abbatem eligere. Porro Loci vestri advocatiam nullus invadere vel usurpare præsumat, nisi quem Abbas & fratres secundum Deum, & utilitatem ipsius Monasterii

Monasterium sub protectione Sedis Apostolicæ recipit.

Confirmatioque bonis omnibus ad illud spectantibus.

Cum Decreto ut Ordo monasticus regularetur in eo servetur.

Decimas ab eodem exigis.

Abbatem vel advocatum ab alio præterquam a Monachis eligi.

Sub anathematis pena.

Innoc. PP.

& nonnullum ex S. R. E. Card. subscriptiones.

Dat. die 6. Decembris anno Domini 1142. Pontificatus vero Domini Innocentii II. PP. an. XIII.

Ex Archiv. Bobiens. edidit Margarit. Bullar. Cassin. P. II.

Exordium.

Bobien. Monasterium sub protectione Sedis Apostolicæ recipit.

Ejusque bona enumerat, & confirmat.

ibi providerint eligendum. Decernimus ergo, ut nulli omnino hominum liceat, præfatum Monasterium temerè perturbare, aut ejus possessiones auferre, vel ablatas retinere, minuere, seu quibuslibet vexationibus fatigare; sed omnia integra conserventur, eorum, pro quorum gubernatione & sustentatione concessa sunt, usibus omnimodis profutura. Ad indicium autem hujus a Sede Apostolica perceptæ protectionis bizantium aureum nobis nostrisque successoribus annualiter perfolvetis. Si quæ in futurum ecclesiastica secularisve persona, hanc nostræ constitutionis paginam sciens, contra eam temerè venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscatur, & a sacratissimo Corpore ac Sanguine Dei & Domini Redemptoris nostri Jesu Christi aliena fiat, atque in extremo examine districtæ ultionis subjaceat: Cunctis autem eidem loco sua jura servantibus sit pax Domini nostri Jesu Christi, quatenus & hic fructum bonæ actionis percipiant, & apud districtum Judicem præmia æternæ pacis inveniant. Amen.

EGO INNOCENTIUS Catholicæ Ecclesiæ Episcopus s.

Ego Stephanus Prænestinus Episcopus s.
Ego Guido sanctæ Rom. Ecclesiæ indignus Sacerdos s.

Ego Boethius Presb. Card. tit. S. Clem. s.
Ego Ubaldus Diac. Card. S. Mariæ in Via lata s.
Ego Octavianus Diac. Card. S. Nicolai in carc. s.
Ego Guido Presb. Card. tit. S. Chrysogoni s.
Ego Petrus Diac. Card. S. Mariæ in porticu s.

Dat. Lat. per manum Gerardi sanctæ Romanæ Ecclesiæ Presb. Card. ac Bibliothecarii, VIII. Idus Decembris. Indict. VI. Incarnat. Dominicæ, anno MCXLII. Pontificatus vero Domini Innocentii II. PP. an. XIII.

LXXX.

Privilegium confirmationis bonorum omnium Monasterii S. Columbani Bobien. Diocesis Ordinis Cassinen. quod sub protectione B. Petri recipitur.

Innocentius Episcopus, Servus Servorum Dei, dilectis, filiis Oglerio Abbati sancti Columbani Bobien. ejusque Fratribus, tam præsentibus quam futuris, regularem vitam professis, in perpetuum.

Desiderium, quod ad Religionis propositum, & salutem consequendam pertinet, animo nos decet libenti concedere, & potentium desideriis congruum impertiri suffragium. Eapropter, dilecte in Domino fili, venerabilis fratris Simeonis vestri Episcopi justis precibus inclinati, Beati Columbani Ecclesiam, in qua divino mancipati estis obsequio, sub B. Petri & nostræ protectione suscipimus, & præsentis privilegii patrocinio communimus; Statuentes, ut quascumque possessiones, quæcumque bona impræsentiarum possidetis justè & canonicè, aut in futurum concessione Pontificum, largitione Regum vel Prin-

cipum, oblatione fidelium, seu aliis justis causis, præstante Domino, poteritis adipisci, firma vobis vestrique successoribus, & illibata permaneant; In quibus hæc propriis diximus exprimenda vocabulis: Curtem S. Martini cum Ecclesia & Castro, quod dicitur Petra Carraria, cum omnibus suis pertinentiis: Curtem S. Salvatoris cum Ecclesia & pertinentiis suis: curtem de Cruce cum Ecclesia & pertinentiis suis: curtem de Garda cum Ecclesiis, districtum, omnibusque pertinentiis suis: curtem de Gravilia cum Ecclesia pertinentisque suis: curtem, quæ dicitur Gormorga, cum Ecclesia pertinentisque suis: curtem Vignalis cum Ecclesia & pertinentiis suis: curtem Carelli cum Ecclesia & pertinentiis suis: Plebem S. Albani in Candubrio cum pertinentiis suis: Ecclesiam S. Evassii in Quintiano cum pertinentiis suis: Ecclesiam S. Georgii, quæ est sita in Monte-curto, cum pertinentiis suis: Ecclesiam sancti Antonii de Braida cum decimis & pertinentiis suis: Ecclesiam S. Columbani de Monte-claro cum pertinentiis suis: Ecclesiam S. Georgii de Montale cum pertinentiis suis: Ecclesiam sancti Andree de Travano cum decimis & pertinentiis suis: Ecclesiam S. Mariæ in Spelunca cum pertinentiis suis: Ecclesiam Infirmorum cum pertinentiis suis: Ecclesiam Novam cum pertinentiis suis: Ecclesiam S. Laurentii cum pertinentiis suis: Ecclesiam S. Bartholomæi in Saxo cum pertinentiis suis, & medietatem mercati Mercatum S. Columbani, & aliud mercatum de Oliva, centum decem solidorum Papien. in curte Auramala: Villa de Stabulo, villa de Conio, villa de Cavana nova, decima de Pradello Antonino, villa de Dusbagno, villa de Salsò, mansum Guasconi, Possessionem Theodosii de Cigognis, villa Riuturni, Broidumque & Pratum Donnica-tum in Monte Pennicis, monte de Menningo, villa de Cerreto, villa de Cavana cum Braida Donnica, Sapateli, & Roveretum, montem de Lesma, villam de Roncore, villam Taidelli, Pratum-longum, mansum Rugeli, Gambalata, Runchum de Grillo, Fraretum, Runchum de Pradilla, mansum Barbuti, mansum de Petra Columba, mansum de Vaccaritia, mansum de Sylva, mansum de Buzochi, mansum de Costa-alta, mansum de Consenti, mansum de Garda, mansum Bonifentioris de Cavello, mansos de Uzoli Casaritia, mansum Lisignoli inter Bobium & Træbiam, mansum de Motio, Mansum de Gosino, mansum de Asino, mansum de Niblo, mansum de Oniziis, mansum de Cereciosa, mansum de Albino, mansum de Curto, mansum de Buchia, mansum Merconis de Canneto, mansum de S. Desiderio, mansum de Guercho, Decimam Sigisberti de Guitta, mansum de Ponziprondo, mansum Rustici de Stavela, mansum Joannis Benedicti de Caulo, Decimam Lamfranchi de Otono, mansum Savonarrii, mansum Ugonis Alberti Dagatarii, mansum Vallis Lauriculæ, mansum de Pradello, mansum Borelli de Sarto, mansum Somenzarii, mansum de Sclavo, mansum de Maliolis, mansum Quoquorum, mansum Petroli & Joannis de Caniolo, sortem unam in Lobi, sortem unam in Palatio, & Censum de Corinello, braidam de Ponte, braidam juxta Fossatum de Batalia, braidam in Campo Tufini, braidam in Pigno, braidam

